

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Manuscripta Rhenaugiensa - Cod. St. Blasien 33 bis 37**

[Pars IV] - St. Blasien 36

**Rusconi, Bernhard**

**[Südschwarzwald, St. Blasien u.a.], [2. Hälfte 18. Jh.]**

Stanislaus Wülberz, Synoptica Historia Originis Monasterii Sancti Blasii

[urn:nbn:de:bsz:31-46582](https://nbn-resolving.org/urn:nbn:de:bsz:31-46582)

Synoptica Historia  
Originis  
Monasterij Sancti Blasij

Auctore R. P. Stanislao Wülberz Eiusdem Monasterij  
Monacho.

Scripta Idibus Martij anno 1755.

Prolegomenon I.

Inane prorsus Comentum reputamus, à Diocletiani perse-  
cutione, aut ab irruptione Altila primorum sylva nigra Ana-  
choritarum Originem deducere velle, ubi et impossibilem eorum  
Successionem per aliquot secula fingere. Non persecutionem fu-  
gientes, sed peccatricem mundum evadere cupientes post predi-  
cationem S. Columbani seculo VII. factam hic se addiderunt, ac  
casu ad Albani torrentem convenientes vitam in Commune  
agere statuerunt, locumq; hunc sibi delegerunt, nulli adhuc Regula  
addicti.

A.

Crescente postea Fratrum numero Domum ligneam ac Oratorium  
in loco, ubi nunc Sacellum S. Nicolai visitus construxerunt. Cogi-  
tantes vero de assumenda aliqua Regula, non pica augurio, sed  
S. Firmij ex Augia pulsi hortatu, seculo demum VIII. Sancti  
Benedicti Regulam impetrarunt ab Erinfredo Episcopo Con-  
stantiensi, qui et Chronicon ejusdem Cella scripsit.

B.

Initio  
Frates ad albani dicti a præterfluente fluvio, Sacris spiritualis  
Cellam in Prioris Romen commutarunt, nec ante restaurationem  
seculi X. S. Blasij nomenclaturam assumpsisse puto, atque  
ad distinctionem, memoriamq; veteris Cella alba Cellam Sancti  
Blasij nominasse. unde merito apparitio S. Blasij Fratribus  
facta humili corde et pietate disquirenda venit.

C.

D.

Illud ex vita S. Fintani notum evadit, S. Blasij reliquias  
Româ Rhenaugiam allatas fuisse, antequam prædictus Sanctus  
in archissimam se inclusisset Cellam. Loque dudum recluso in vi-  
cinum saltum, per quem cum Rhenaugiensibus Patres Bolandini,  
et Casparus I. abbas, Conventum nostrum intellexerunt, esse  
transportatas. At quo anno? Contra interpolatum in Chrono-  
logia, et recentiorum vite scriptorem nuper sensimus ac proba-  
vimus, S. Fintanum Rhenaugiam advenisse anno 851. reclusum  
post

- E. post annum 856. Mortuum 878. Optime ista coherent cum Traditione Cella alba ad Rhenaugiam pro stabiliendo inibi servitio S. Mariae a viro Nobili Sigimaro anno 858. peracta: nec enim in mentem mihi inducere possum, ante Traditionem Cella alba illuc, tanquam in locum peregrinum nec subiectum, pretiosissimas S. Blasij Reliquias collocasse. Errant nihilominus Rhenaugiones, dum ex laudata Traditione concludere volunt, disciplinam Rhenaugiones Cella alba invexisse; verò potius argumento, quod varijs rationibus stabiliri, Cella alba ritus suos quos a S. Trudperti Inquilinis necdum sub abbate Constitutis mutuasse vult Bucelinus, Rhenaugiam introduxit. Primus tunc Abbas Rhenaugia praeerat Gozbertus, quem Ludovicus Franciae Orientalis Rex in Moguntiacensi Concilio anno 852. ijs praefecerat: cumq; dicat, Monachum quemdam, ipsi quoq; Rhenaugiones eum aliunde evocatum tenent: imò Justineri popet, eum ex alba Cella ineunte saeculo IX. apprimè florente, Sicque antiquiore, assumptum, licet S. Gallenses ex Solis Conjecturis eum libenter suum vellent, Auctorem fuisse, ut S. Blasij Reliquiae in vicinum saltum pervenirent, ac ipsamet Cella alba ad stabiliendum servitium S. Mariae ex orienti primùm Rhenaugia uniretur. Ex quibus Consequitur ab Anno 858. usq; 912. Cellam albam cum Rhenaugia, cui anno 859. Ludovicus Rex, et in alpegove Cellam, qua dicitur alba, confirmaverat, eosdem Coluisse Abbates. Gozbertum nimirum, ut dixi, primum Abbatem Constitutum anno 852.
- F. Antuarium anno 861.  
Wolvenum ex Restauratore Abbatem circa 871.  
Wichramum, qui cum S. Gallensibus anno 885. Confraternitatem inierat.  
Gozbertum II. ab anno 888.  
Quopertum anno 912. quo decedente in potestatem Episcoporum Constantiensium pervenit.
- G. Nomina porro Monachorum Cella alba, qui Rhenaugiam concesserant, discimus ex Necrologio S. Gallensi. Ibi duo tantum Presbyteri comparent, Theoto, et Regimbertus, reliquis in fine appositum Conversi, quos sequuntur sorores. Monachi fuerunt quatuordecim, sorores undecim: Quinam autem juxta Capitulare Aquisgranense in Cella alba remanserunt, alium in

in monumentis nostris silentiam. Id certum saeculo X. incunte Cellam albam perijisse, cum ex Diplomate Ottonis Constet, Reginbertum Heremytam sanctum ibi primum habitare cepisse. Quinam hanc per Hunnos, ex Bucelino alpigoviam imprimis, et anno 933. S. Trudperti Canonium nobis vicinum, devastantes evenisse, se suspicamus, haud aberrabimus.

Polegomenon II.

Cellam albam ob Hunnorum incursionem aut derelictam, aut sicut alia loca sancta saeculo X. incunte devastatam supra innuimus. Restant nunc ejus iterata initia. Reginbertum enim I.

Heremytam virum sanctum et Beatum, qui primas ibi habitare cepit, a Reginberto II. de Seelinduren Dotatore, locali XI. homine diversum, Cellam noviter constructam Deo et S. Blasio dicasse, Regium Ottonis Diploma loquitur.

Num autem unus ex Monachis fuga elapsis ac revertentibus, vel ex ipsa Thenaugia, aut ex Exmo Seipara Einsidlenfis fuerit, edicere nequimus. Ejus adventus statuendus circa annum 945. Obijisse in Aula Regia, quorum pro obtinendis Privilegijs abierat, anno 962. aliorum Eleemosynis, adjectus novas structuram profuit.

Varias ab rationes Abbates statim sub eo cepisse credimus. Quo factum, ut a jugo Thenaugionfi, ut et potestate Episcopi Constantiensis liberi evaderemus, antequam Thenaugia, qua eo tempore nullum Abbatem ostendere potest, post everisionem suam Episcopatus Constantiensis tradita Libertatem suam consequeretur. Nam anno primum 973. a S. Conrado dimissa Thenaugia, anno demum 995. Libertatem plenarie sibi stabiliri gavisa est.

Primus itaque S. Blasii Abbas electus Berngerus a sancto Conrado Episcopo Constantiensis benedicitur et confirmatur intra annum 946. et 955. Obijt anno 974.

Post Berngeri obitum Abbatiam Wpo Monachus, ob morum insolentiam, antequam benediceretur, a fratribus denuo depositus, anno 974. invasit.

Ecce sine ullo inter regno successerunt Engaherus seu Wernherus anno 974. defunctus anno 994.

Sigefridus

Sigefridus probabiliter extra provinciam mortuus  
Electus anno 994.

Hoc ipso Avo tria Ottonum Privilegia, quae recensentur  
et examinantur, nobis obviaverunt, Ottonis I. II. et III.

### Prolegomenon III.

Reginbertus II. de Seldenturen Laicus opibus suis et  
Latifundijs nobis oblati's Dotator praecipuus nominandus  
venit. Non fuit unimanus. Ab saeculo primo XI. advenit.  
Ejus petitione motus Conradus Salicus Rom. Rex anno 1025.  
Episcopum Basileensem S. Blasij Advocatum constituit,  
cujus chartae authenticam juxta exemplar S. R. I. Proce-  
rum saeculo XII. viventium merito rejicimus. Ibi enim  
non sanctum et beatum, uti Ottonis Diploma, sed bona  
memoria laicum nominat, non primum ibidem habitasse,  
sed locum solitarium Deo servendum elegisse narrat.  
Fatis cepit Reginbertus iste post Dedicationem veteris  
Ecclesiae anno 1036. peractam IV. Cal. Jan. Demortui  
Corpus curarunt in veteri Ecclesia, ab Utone Abbate  
in novam Ecclesiam translatum. Moderni Lapidis  
Sepulchralis aetas examinatur. An vero hunc Regin-  
bertum I. Beati Titulo honorent veteres Pontificum  
Bulle, in dubio relinquimus; uti an illa apparitio  
venerabili Marquardo facta, seniori potius, an  
huic adscribenda. Modus antiquus ejus Anniversa-  
rium peragendi.

### Prolegomenon IV.

Beringerum de Hochenfurande scriptores nostri pri-  
mum abbatem dixerunt, in anno obitus dispersi, dum  
alii saeculum X. alij et rectius XI. posuerunt. Nos  
autem inter regnum nullum admittentes, praemissis  
Berngero, ut zone deposito, Engahero I. wernhero, et  
Sigefrido, quintum abbatem veneramus, saeculo XI. ex  
Priore in abbatem electum. Sub eo dedicatum est vetus  
Monasterium anno 1036. variisq; alia monachorum habitacula  
Con-

construxit, in qua literatos Monachos introduxit, illiteratos vero, quos fratres exteriores nominavit, in priori claustris reliquit. an miracula ei solum, an ob temporis rationem aliqua Berngero adjudicanda veniant, judicent alij. Vita innocentis ratio. Obijt anno 1045. IV. Kal. April. Sepultus in veteri sua Ecclesia ante Altare S. Martini. Aetas hodierni Lapidis Sepulchralis inquiratur.

Ha indocta Cogitationes meae: quibus si addant doctiores me sua perdocta iudicia, subito, credo, tenebra dispalescent. Jam potius ad Epitomen rerum Blasianarum propero, quam a Wernerio exordior; Sub iudice quippe lis est, num Solus Beringerus de Hohenfwanade, an plures iuxta meum sistema, Berngerus videlicet, Ho depositus, Engaferus seu wernerus, Sigifridus, ac demum seculo XI. Gregingerus, melius Beringerus, in Abbatiati dignitate eum preceperit. Haec omnia severiori iudicij sui Tritina ut prius examinent alij, animatus rogo, et obtestor. Non inanem primi inventoris gloriam, sed amicam ubique veritatem, ac Monasterij nostri incunabula certiora pra oculis habui. Ha eruditissimus D. P. Stanislaus Wulberz.

Adversiones

## Animadversiones

In Synopticam Historiam Originis Monasterij  
S. Blasij.

Cum nuper Epitomen Historiae Sancti Blasiana Vir summa eruditione et humanitate praeditus P. P. Hugo Schmidfeld cum praesente Celsissimi Principis Martini II. Cujus Libreraria praesertim merita nemo est, qui nesciat, transmississet, synopsin saltem originis describendam duxi, eius aliquas animadversiones currenti calamo annexere, propterea quod non pauca ad Historiam Monasterij nostri Rhenaugienensis pertinentia complectatur. Ceterum quis Ego sum, ut audeam vel leviter virum vastissima eruditione praeditum P. P. Stanislauum Wülberz perstringere, qui multis annis subsidia Louplesiissima viginti circiter Tomis contenta comparavit? Ego, inquam, qui triennio elapso monumenta Monasterij nostri perscrutari coepi, et omni eruditione nudus Historiam aggreffus sum, jam medietate sua absolutam? Monita ergo quaedam duntaxat subministrabo, tam illis quam nostris, si dignentur legere, fortasse profutura. Ordine hujus synopsis servato, Literis ad Marginem notatis indicabo, quo meo referenda sint animadversiones.

A.

Post praedicationem S. Columbani saeculo VII. factam hic se /: Anachorita /: abdiderunt. Miror, Clarissimum P. Stanislauum in praesenti synopsis adoptare sistema diatriba ab eruditissimo P. Hugone ante quinq; et triginta circiter annos elaborata, cum ipsemet P. Stanislauus in superiori ac satis proluxa deductione prolegomenorum praemissa idem sistema refutarit N. VII. Ego solum addo, S. Columbanum Luxovio per Burgundiam in Turigoviam adventasse, quae ex monumentis nostris unacum Turgovia ad Sueviam computabatur, ad Limagum flumen, et Lacum Figurinum praedicasse, Etenim forte ne vidisse quidem, multo minus superasse. unde Otto Frisingensis l. 1. de gestis Frid. Imp. c. 8. Turicum vocat nobilissimum Sueviae oppidum: et Alemanniam à Lemano fluvio Sueviam. apud Ursis. p. 412. Ceterum nigra et marthialis sylva non terciaria tantum, sed et illa

Radper tus et Wa-  
-Casildq Itabo apud  
Goldastum aliter sen-  
-tiae videntur.

Nispiam hoc legi.



Reginberti concludi; expedita est responsio, neque illa prope  
 praecise de superioribus saeculis explicari. Sed quid moros ano-  
 nymum, qui ad finem saeculi XIV. scripsit, atque adeo idoneus testis  
 esse non potest illorum, quae ante septingentos annos contigisse  
 referuntur. Accedit, quod tot ac tantis falsis ac contradictionibus  
 scateat, ut nec apud domesticos fidem emereri poterit. ad  
 sumum igitur indicio esse potest cuiusdam antiquae traditionis,  
 quam ipse sine ullo inter verum et falsum iudicio, sine ordine, sine  
 temporis nota descripsit, imò adauxit, ut Lectores antiquitatis  
 opinione deciperet, certe confusos redderet et perplexos. Excusat  
 nonnihil S. Stanislaus quoad hoc Anonymum, quod forte contra  
 mentem ipsius posteris eum de superioribus saeculis loquentem  
 explicaverint, cum tamen ipse non multis saeculis, sed multis annis  
 auntaxat anachoretas cum extrema indigentia luctatos fuisse  
 asserat. Sed hoc ipsum ad tempora Restaurationis saeculo X. facta  
 referri posse videtur; Magnum erat enim, vel aliquot annis sine  
 lecto, sine foco, sine cibo humano, inter steriles illas rupes, et  
 arbores posse versari.

B.

Non Pica augurio, sed S. Perminij ex Augia pulsi hortatu  
 saeculo demum VIII. Regulam S. Benedicti impetrarunt. Vereor  
 ne et ipse à Clarissimo S. Hugone, sine ulla ingeniose tamen excogitatus  
 S. Perminij per Cellam albam transitus apud viros ad  
 credendum non proclives, ut hodie fere sunt, ingressum obtineat.  
 Fabula anilis est, quam Anonymus narrat, Cogitantibus tremulis  
 de Regula alicujus susceptione, indicio Pica advolantis nigro  
 alboque colore micantis, Regulam S. P. Benedicti, in his par-  
 tibus, ut ait, ignotam, fuisse indicatam. Placet saltem  
 ingenium aenigma declarantis, quod per priores litteras si  
 non Pica, sed Perminius intelligendus sit, quod nesciens ille  
 Anonymus Picam scripserit. Ceteram jam advertit S. Stanis-  
 laus, nomina initialibus tantum litteris scribendi usum ante  
 saeculum XII. non inchoasse, proinde ex nullo antiquo scripto  
 legerit, sed voce viva Picam illam hauserit aut caperit  
 Anonymus. Ego aurem mihi his tantum verbis vellicari puto:  
 quod gratis asseritur, gratis negatur; nolo enim esse prolixior.

C.

Ab Erinfredo Episcopo Constantiensi, qui et Chronicon  
 ejusdem Cellae scripsit. Principium hoc est antiquitatis monu-  
 mentum,

mentum, cui innititur *Carissimus S. Anastasius*, nescio tamen, an non penitus *Euinosum*; Ego certe haec *Fidere* haud malim. Quis enim unquam vidit hoc *Chronicon*? Certe licet ipsemet, dum *Monumenta Augusta* gentis *Habsburgice* in *abditis* *ferinis* investigaret, ubiq; locorum *solicite* perquisisset, illud tamen se non *invenisse* dolet *Proleg. I. S. I.* Nec mirum, cum nec *Anonymus San Blasianus* ante quatuor secula id *viderit*, aut *ullam* de eo *notitiam* habuerit. Sed enim hoc *Chronicon* *Ernfido* *Episcopo* *adjudicant* *Manlius* apud *Pistorium* in *Chronico* *Constantiensi*; *Bucelinus* in *Chronologia* *Constant.* ad annum *739.* *Gallia sacra* *Tom. V.* alijsq; *aucthores*, nimirum *his* *similes*, quorum nullus post *non-gentos* *annos* illud *Chronicon* *S. Blasij* vidit. ut dicam, quod res est, id omnes ex *Pistorio* descripserunt. *Bucelinus* sine *ulteriori* *Crisi*, non tamen, pro more suo, sine *addita-mento*. *Gallia Christiana* circa res nostras, certe *thenau-gienses*, *tot* *continet* *errores*, quot *veritates*. *Fides* ergo *tota* sit *penes* *Pistorium*, qui id non ex *Ms. Manlij*, sed ex *alio* *quodam* *fragmento* *descripsisse* videtur. *Tota* *ista* *Chronologia*, si *excerpta* ex *Guilimanno*, *duo* *Diplomata*, et *vitas* *ff. Conradi* et *Gebhardi* auferas, *duobus* *vel* *tribus* *paginis* *constat*. *Nota* *potius* *volatiles* *Manlij* *ibi* *conti-nentur*, quam *opus* *elimatum*. *En* *titulum* a *Pistorio* *prae-fixum*: *Chronicon* *Episcopatus* *Constantiensis*, *inchoatum* a *Jacobo* *Manlio* *Brigantino* *Doctore*, *postea* *relictum* *o- veteri* *simplicitati*, sed *auctum* *ab* *alio* *bono* *viro*. *Quis* *jam* *discernet*, *an* *ea*, *quae* *de* *Chronico* *S. Blasij* *referuntur*, *sint* *ab* *illo* *alio* *bono* *viro* *adjecta*, *an* *vero* *a* *Manlio* *veteri* *sim-plicitati* *relicta*? *Verbo!* *quis* *ignorat*, *in* *ejusmodi* *adver-sarijs* *plura* *sepe* *adferri*, *postmodum* *reijcienda*. *Audia-mus* *nihilominus* *verba* *seu* *Manlij*, *seu* *alterius*: *Ernsfidus* *in* *alia* *s Anapredius*. *13.* *hic* *not* *in* *Martyrologio* *S. Galli* *liquet*, *Abbas* *fuit* *Monasterij* *Augiensis*, *et* *scripsit* *chronicam* *Mo-nasterij* *S. Blasij*, *prae* *huit* *Ecclesiae* *Constantiensi* *anno* *735.* *rexitq;* *abbatiam* *et* *Dioecesim* *Constantiensem* *X.* *annis* *quam* *laudabiliter*. *Annun* *posteriorem* *ponit* *Hermannus* *Contraches*

pag. 630.

Contractus in Chronico Ms. sœc. XI. his verbis: "DCCXXXVII  
 » Augie defuncto post II. annos Keba, Ernfredus in Augia  
 » abbas, et Constantia Episcopus factus præfuit annos X."  
 Ceterum alium silentium, an aliqua scripserit. Sed confi-  
 deremus verba Manlij: Chronicam, inquit, Monasterij  
 S. Blasij. quin hæc verba ad sæculum X. referenda, quo  
 usque fugiter Cella et Cella alba inaudij. Præcipuum  
 me video responsione hæud longius petita, quod proferri  
 nomen augustius substituerint. Sed quare id non ipse  
 Manlijus, aut quisquis ille est, advertit? Hæret sane  
 animo serupulus.

Præcipuum tamen, ut verum fatear, in hac re est,  
 quod assensum meum retinet, quia à me obtinere  
 nequeo, ut credam, Episcopum Chronicam scripsisse aliquo  
 anachoritarum in nemore latitantium, qui vix ling-  
 neam domunculam inhabitabant. Quos! quodnam  
 hujus descriptionis objectum? quæ per singulos annos  
 facta? quæ mutationes? quæ successiones? quinam  
 eventus mirabiles? si vitas Patrum dixisset, aliquam  
 attentionem mereretur. Sed Chronicam, quale de nullo  
 Monasterio illius sæculi habetur, credat mea pace, quis-  
 quis volet, Ego certe in tanta penuria illius ævi scripto-  
 rum historicorum, nunquam accensendum existimabo  
 Ernfredum Eusebio, Hieronymo, et Bedæ, quorum  
 Chronica tam præiosa.

Misso igitur ejusmodi Chronico, fortasse scriptor anony-  
 mus Constructionis S. Blasij eandem Historiam divisit,  
 et Episcopus ille, quem adierunt Eremitæ, alius non est  
 à S. Conrado, qui et Regulam, et disciplinam, et Cellam  
 in Monasterium justum restauravit.

D. Patris spiritualis titulum in Prioris nomen comutarunt.  
 Indaganti mihi aliquando datâ operâ in Prioris nomen  
 in Ordine nostro usurpatum, non occurrit exemplum  
 ante sæculum XI. et Instituta Cluniacensia; Certè  
 ad sæculum VIII. aut IX. ut hic sit, referendum non est.  
 Neque

Regue Anonymus pro Propositi aut Decani nomine id  
ponere debuit, quando expresse de nomenclatura discessit.  
An potius ad Sculum X. iterum reijciendum iudicent alij,  
quorum interest.

Optime ista coherent cum Traditione Cella alba ad Ebe-  
naugiam pro stabiliendo inibi servitio S. Mariae a viro  
nabili Sigimaro anno 859. peracta. Et ego utroq; pede  
in eius Sententiam eo, qua ex Eruditissimo S. Hugone docet,  
adventum S. Fintani in Insulam nostram figendum esse  
ad annum 851. quam et alijs rationibus suo loco comprobavi:  
quin et laudo ipsius Zelum, quo Ethenaugienses s. plerisque  
non omnes, perstringit, tandem illam Epocham amplecti  
nolentes. Quod vero Donationem figimari hic cursim solum  
adducat, non laudo; ex ea enim forte solidius Originem  
Monasterij S. Blasij, seu Cella alba edificere potuisset.  
Quidquid profecto sit, an nonnulli Eremita Locum illum  
aliquandiu garavie inhabitarint, alium meo insedit animo,  
Sigimarum revera primam illius Cella Fundatorem esse  
dicendum, cuius rationem alibi indicavi: hic solum addo,  
primum illum mihi videri Fundatorem, quod plerumq;  
Cella noviter Condita, non vero multis jam annis stabilita,  
Solent in inferioribus Monasterijs Comendari. Quod vero  
Sub hoc numero adverto est, S. Stanislauum Donationem  
Sigimari ad annum 858. reijcere, Contra meam, quam  
ex nostro S. Geroldo didici, Sententiam, qua ea refertur  
ad annum 856. aut 857. cum annus in Charta precise non  
exprimatur, nihil interest, dummodo in anno 859. pra-  
cepisse dicatur Mensem Aprilem, quo datum est Diploma  
Secundum Ludovici germanici, ubi Cella alba continetur,  
ratioque fuerat, cur necessario praeponienda videbatur. At  
immerito nos irridet, dum hoc ipsum Diploma huic anno 858.  
affigimus, ipso posteriore 859. statuente. Inter alia,  
utinam saperent, exclamat, ac intelligerent aliquando Ebe-  
naugenses Epocham Regni Hludovici desumendam esse ab  
anno

E.

WXXV

N. XXXIII.

anno 823. Recte! Bene! his adde Numerum 26. ita tamen  
 ut annus primus Regni jam sit ille Trigesimus Tertius, inclusive  
 non exclusive, ut vulgo dicitur, invenies profecto 858. non  
 vero 859. attendisset saltem P. Stanislavus ad indictionem  
 appositam Sextam, et non tam Contemptim aberrasset.  
 occasione Fundatorum Nostrorum ex gente Quelfica, de  
 quibus justum Tomulum nuper conscripsi, plurimas chartas  
 hujus epochæ evolvi, et eas omnes hoc Computo numeratas  
 esse et numerandas esse inveni.

F.

Errant nihilominus Ahenaugienses, dum ex laudata Traditione  
 Concludere volunt, disciplinam Ahenaugiensem Cella alba in-  
 vexisse, verso potius Argumenta, quod varijs rationibus stabili  
 Conclusio Ahenaugiensem tam naturalis erat, e contra Patris  
 Stanislavi tam præpostera, ut cum ante octennium circiter  
 R. P. Joannes qualbertus in dedicatione Theſium suarum  
 ad Celsissimum Principem hujus Wirtembergi sistematice mentione  
 id apud Nostrates risum potius quam indignationem excitaret.  
 si ipsis in Theſibus aliquid expressisset, me provocatum existi-  
 masset, nunc autem dissimulandum putavi, quia Contentiones  
 ad nihil utiles esse scio, imò sciebam, nec Eruditissimos Sancti  
 Blasii Collegas cum defendente Professore hac in parte sentire.  
 Sed ponderemus P. Stanislavi rationes, quas in prolixiori  
 Prolegomeno primo §. 3. et quidem omnino Tres affert, 7  
 postquam dixisset: Ulterius Ahenoviensibus Contraire  
 pergo, ut refellam insulsam opinionem, ac si Cella alba  
 undiq; florens in disciplina ab ijs reformata esset.

H. XXXIV.

Prima ratione nihil aliud probat, quam quod Ahenaugia  
 post destructionem suam, quo restaurationem præcessit,  
 reformatione indiguerit: ergo, ait, aliorum potius ope  
 indigebat, ut revivifceret. Optime! advertere tamen  
 volo imprimis, Monasterium nostrum non penitus, sed  
 penè destructum in Diplomate asseri; jugiter enim  
 Monachos persistisse, ex chartis constat. Deinde totum opus  
 restaurationis completum fuisse, antequam Cella alba  
 Ahenaugia donaretur, et quidem maxime per extraneos,  
 non

non Cella alba Eremitas, imprimis ipsum Restauratorem Wolfe-  
 rum, quem in corde colo et veneror, deinde S. Fintanum  
 Scotum, miraculis ac virtutibus jam undiq; clarum, anno 851.  
 Irenægia Monachi habitū induitum, atq; inter fratres Solido  
 quinquennio comoratum, quos non vagos non dissolutos, sed  
 disciplinatos, regulares, et si vis, jam reformatos fuisse, vel  
 ex vita ipsius solidissime constat; cur enim alias inter fratres  
 paganos, cur solitas vigiliarum laudes praveniens, cur à  
 constituta singulis Fratribus annona cum licentia Abbatis  
 abstinentis memoraretur, si in Monasterio neglecto atq; nullius  
 observantia habitaret, antequam Cella alba veniretur, aut  
 fratres illius advenerunt, si famen ulli unquam advenerunt?  
 Mitto sexcenta alia, quæ facite eruere ex vita poterit, cui  
 otium est; id solum ut notum ex solitariorum Regula adverta,  
 inclusos in nullis Monasterijs permisos fuisse, nisi majoribus,  
 atq; adeo observantia claris: atqui S. Fintanus sese reclusit,  
 fidente S. Stanislao, antequam Cella alba in partem Monas-  
 terij numeraretur.

Restaurata quoq; fuit Irenægia quoad disciplinam  
 per Gothbertum S. Galli religiosissimum Monachum, quem  
 electum fuisse, et quidem jam anno 851. Contra expressa  
 verba Diplomatis Ludoviciani perperam negat S. Stanislao,  
 ajens, eum non electum non confirmatum, sed immediate  
 à Rege constitutum seu impositum fuisse; cui è diametro  
 Ludovicus: quem à Fratribus, et à se [Wolfero] Electum  
 vocat. Restaurata est deinceps disciplina, si vis, ab alijs  
 Monachis ex S. Gallo et Augia, Monasterijs illo jam ævo  
 florentissimis, expetitis; quod non gratis dictum existi-  
 mabit, qui in Diplomate Ludovici legit, Confirmationem  
 restorationis horum Monasteriorum Abbatibus, magnis  
 in aula viris, presentibus et expetentibus fuisse impetra-  
 tam. adeo non indignum Irenægia in disciplina regulari  
 instrui à Fratribus Cella alba.

Secunda ratio S. Stanislai, et quidem præcipua, ni fallor,  
 desumitur ex ipsa Donatione Sigimari, ubi discrete asseritur,  
 eam

Javentus.  
Merati.  
So. II. p. I. sec. VII.  
cap. II.

eam factam fuisse ad stabilendum inibi servitium S. Mariae  
inibi inquit ad Thenaugiam pertinet, non ad Cellam albam  
cujus potius Patronus fuit S. Nicolaus fuerit. S. Nicolaus?  
Sciunt antiquarii, hujus cultum saeculo IX. Italia Occidentale, et  
notum fuisse. Ergo Cella alba potius nullum, quam Beatissima  
virginem, Patronam habuerit. adverti aliquando, quia  
Cella alba locus ultimus est, qui in hac charta memoratur,  
particulam inibi potius referri posse ad hanc ipsam Cellam  
ut sensus sit, Sigemari viri Nobilis intentionem fuisse, ut  
cultus ejusdem gloriosae Virginis, qui Thenaugia excelebat,  
in Cella quoque alba propagaretur. Sed liberales sumus  
demus S. Stanislao, quod postulat, nimirum sub particula  
inibi intelligi Thenaugiam. Quid sequitur? stabilendam  
fuisse devotionem et cultum erga B. V. per Fratres Cella  
alba, et eam quidem devotionem, quae jam antea probante  
S. Stanislao Thenaugia vigerat. Sed quae? cur non ex alio  
Monasterio specialiter servitium B. V. dedicato postulat, sed  
Fratres, ad eum cultum instruendum seu promovendum.  
En quomodo servi Mariae Thenaugienfes magis idonei  
fuerint, ad servitium tale alibi, et in Cella alba, intro-  
ducendum.

Verum Cardo rei versatur non in cultu B. V. virginis,  
sed in regulari disciplina. utinam vel nomen hujus ex-  
primeretur in charta Sigemari, ut saltem umbram pro  
sua opinione S. Stanislao nancisci posset. Jam tamen  
mutuatur ex Diplomate Ludovici, ubi dicitur: Mo-  
nasterium Thenaugienfe constructum fuisse à Patre et Avunculo  
Wolffeni, nec non et ab ipsomet, ob regulares disciplinas.  
Quis hoc nescit? quodnam Monasterium nisi hunc in finem  
constructum est? Sed quid hoc ad Donationem Sigemari  
Nihil stabilitur, verba sunt S. Stanislai, nisi quod antea  
inceptum erat, ergo dabit saltem, regularem discipli-  
nam jam cepisse, antequam stabilenda à Cella alba  
fuerat. Ceterum dicamus sine ambagibus et involucriis,  
quod res est: donare aliquid ad stabilendum servitium  
S. Mariae,

S. Maria, secundum sensum obivium, quem omnes, nisi sponte obtusi, intelligunt, nihil aliud est, quam aliquid contribuere in finem eum, ut qui donum accipit, magis exardescat in servitio ejusdem gloriosae Virginis, ut cultus ejus augeatur, ut Servi illi dicati multiplicentur, et hujusmodi plura, quae ipse addere potes. Sane si vel praedium donasset Sigimar, eadem phrasi uti potuisset. unde quando Ludovicus Rex anno 858. Thenaugiae confirmavit in alpegove Cellam, quae dicitur alba, alossam, Waldhirscham seu quicquid in Italia in pago veronense et Tartonense wolfenus habuit, cum Ferris, pratis, sylvis, servis, mancipijs. & haec omnia fecit, ad stabilienoum inibi servitium S. Mariae. Ergo haec omnia introduxerunt disciplinam regularem in Monasterium nostrum?

Tertiam probationem S. Stanislai, licet saepius à me lectam et relectam, intelligere tamen prorsus nequeo. unde eam de verbo ad verbum adscribam, ut saltem doctior me lector me edocere possit. sic autem sonat: » III. Non solum pro firmanda et evahenda Thenaugiae disciplina Benedictina sigimarum Cellam albam eidem tradidisse, sed etiam unitam sibi prope dispa Thenaugiam edocemur ex laudatis Diplomatum Ludovici et Henrici, ubi ei sicut alia, confirmatur, et in alpigaude Cella, quae dicitur alba. morem siquidem eo auro viguisse, ut varie subin Cellae unico subessent Abbati, innumeris prodit exemplis Mabillonius Jo. II. Anal. Bened. Sequelam exinde legitimam nasci puto, Thenaugiae Praesules simul rexisse Cellam albam, nostrosque veros Pastores nominandos usque ad initium saec. X. hucusque S. Stanislau. Quae iterum, quomodo pro intentione ejus faciant, non capio. Mansit utique Cella alba aliquamdiu unita Thenaugiae, prout teste Mabillonio minores Cella majoribus Monasterijs iungebantur, ac proinde eodem Pastores habebat, iisdem Praesulibus regebatur. Sed numquid Pastores pascuntur ab ovibus? numquid Praesules

Praefules reguntur à subditis? quod tamen necesse est dicere  
 si Concludere pro P. Stanislao velimus. Profectò si verita-  
 tem amamus, verò potius argumento, dicere debemus,  
 Fratres Cello alba utpote oves pastos fuisse à Gothberto  
 seu potius ejus successoribus Pastoribus nostris, rectos,  
 instructos, edoctos à Praefulis nostris, verbò disciplinam  
 regularem à florentissimo tunc Monasterio nostro in Cella  
 alba, primitus à Sigemaro fundatam, fuisse introductam.  
 Homini impariali et a futuris eventibus non praecipue  
 ponderandam relinquo diversitatem inter Rhenaugiam  
 et Albam: Illa Monasterium in omnibus Diplomatum et  
 Chartis illius Viri jugiter nominatus; haec simplex nomen  
 Cella diu adhuc retinuit. Illa aedificijs justis atque  
 Praefilia instructa fuit; hoc vix Capellam ligneam offen-  
 dit. Illa Diplomatum Regijs, Donationibus Comitum  
 ac Principum, ac amplis latifundijs in pluribus pagis  
 quae hodie justos comitatus constituerent, honorata fuit;  
 hoc nihil horum. Illa sanctissimo viro Fintano miraculis  
 insigni claruit; Reliquijs de Roma quamplurimis; in  
 alia Charta scribitur utiq; per hyperbolon; innumerabi-  
 libus ditata fuit; Comites, Presbyteros, aliosque viros  
 excellentes inter suos admittit; haec nihil horum authentice de-  
 monstrare potest. Illi in Concilio generali Abbas confirmatus  
 fuerat; haec ne Priorem quidem tunc habuit. Illa Reliquias  
 insignes Cella alba intulit; haec à Rhenaugia obtinuit. Illa  
 Fundatorem Cella alba Nobilem virum cum filio ejus in  
 Monasterium suum suscepit; haec illo tempore per hoc injuriam  
 sibi fieri conquesta non est. Verbo: non Rhenaugia Cella,  
 sed Cella Rhenaugia incorporata fuit. Meditanti plures  
 ejusmodi antihypothesen in mentem venire poterunt; quae qui  
 animò sedato consideraverit, omni procul dubio naturalem  
 Consecutionem faciet, par esse ut credamus, non Rhenaugiam  
 à Cella alba, sed vice versa hanc ab illa instructam esse,  
 maxime quod ad illud usq; tempus nihil prorsus solidum  
 aut authenticum de Cella alba habeatur, ut proinde Nostrates  
 haud aberraverint, quando simpliciter sine contentione dixerunt

Credibile

Credibile esse, Regulam S. Benedicti per S. Fintanum, Sigema-  
rum, et Luthicum filium ejus Monachos nostros Cella alba  
illatam fuisse.

Cella alba ritus suos, quos à S. Truperti inquilinis nec-  
dum sub abbate constitutis mutasse vult Bucelinus, Rhenau-  
giam introduxit. Potius a S. Trupertinis disciplinam  
mutuare Benedictinam vult P. Manisslaus. Quare? quod  
Bucelinus jam ad annum 801. Chronol. Constantiensis scribat,  
sibi videri regulas a Trupertinis comunicatas fuisse San-  
Blasiani. Alium nomen testem nec Bucelinus habuit, in hac  
de veris monumentis destitutus, ut qui forte ignoravit, hanc  
nec ullos sancto Blasianos existisse. Magis suspectam rem suam  
facit iste auctor, quod in eodem numero dicat, eonjqs id est  
ad annum 801. Prioris titulo jam profuisse aliquos. Nempe  
antequam Benedictinam Regulam à S. Trupertinis didi-  
cissent, et quidem sub Prioris titulo ante seculum XI. ignoto.  
Ejusdem farinae est alterum testimonium, quo ex eodem auctore  
tantopere gloriatur P. Manisslaus, dum nempe ad annum 857.  
ille scribit: "Hercinia instar Paradysi Domini germinans  
germinat, in tribus maxime Canopijs Divi Blasij, S. Truperti,  
et S. Georgij. S. Georgij in hercinia? aliud me docet Bertoldus  
Constantiensis Continuator Hermannii Contracti auctor suppar  
ad annum 1091. apud urbsium pag. 364. ubi de S. Wilhelmo  
Hirsaugiensi ait: Pura Monasteria ex integro usquequaque  
construxit, duo quidem in nigra selva, unum S. Georgij, alterum  
S. Gregorij: scilicet in Rickenbach. videtur mihi confusam  
nonnunquam fuisse Bucelini memoriam, ut cum ad aliquem  
annum non occurreret, quod adscriberet, sine scrupulo aliud  
aliquando lectum apposuerit. Fortasse in eodem Bertoldo  
ad annum 1083. legerat: tria Monasteria egregie pollebant,  
S. Blasij, S. aurelij, et S. Salvatoris. Cui quidem testimonio  
summa cum reverentia assurgo. Ceterum ad praedictum annum  
857. aptius donationem sigomari apponere potuisset, si sci-  
visset Bucelinus.

G.

Sustineri posset cum S. Gozbertum primum Rhenaugiensem  
abbatem: ex alba Cella ineunte seculo IX. apprimè florente,  
sicque

H.

Sicque antiquiore, assumptum, licet S. Gallenses ex solis Con-  
 jecturis eum libenter suum vellent. Quod de floribus et anti-  
 quitate ingeritur, in quaestione est. Caterum Conjectura pro  
 S. Gallensibus tot et tanti sunt roboris, ut ijs vir prudens de-  
 negare assensum vix possit. Eas hic recensere, à me ne exigas  
 Lector, properat enim Calamus: invenies alibi. Quomodo porro  
 poterit S. Stanislavus sustinere Godebertum ex Fratribus Cella alba  
 fuisse, omni etiam Conjectura destitutus, cujus nequidem nomen  
 sicut nec ullius alterius Fratris occurrit. Sed nunc demum adverte,  
 quid tertia illa probatione pro restauratione disciplina ex Cella alba  
 dependente S. Stanislavus voluerit. voluisset nempe ipse libenter  
 primum Praesulem et Pastorem Rhenaugia fuisse ex Cella alba  
 postulatam, licet id cordate edicere non presumpserit. unde  
 ignosce Lector, si quid gravius tibi contra Antagonistam meum dixerit.

J. Antuarthum anno 861. recensentur Abbates Rhenaugia, et  
 Cella alba communes. sed cum ex Diplomate secundo Ludovici  
 Constet, wolfenium jam anno 858. id muneris in se suscepisse, vix  
 credibile est, Godebertum primum abbatem adhuc profuisse Rhe-  
 naugia, cum Cella alba illi traderetur. Ideo Antuarthus primus  
 illius Cella Praesul numerandus, utpote jam ante illud Diploma  
 Monasterio nostro unita, et quidem ad annum 854. secundus  
 erit sepe dictus Wolvenus Restaurator noster, qui usque ad  
 annum 878. Regimen suum produxit. Reliqua cum Chronologia  
 nostra concordant.

K. Nomina porro Monachorum Cella alba, qui Rhenaugiam con-  
 ceperant, discimus ex Necrologio S. Gallensi. vix credo, ullum  
 Monachum ex Cella alba Rhenaugiam concepsisse, nisi forte post  
 abbatis mutationem loci praecipientis: quin potius quidam  
 Rhenaugienso Cellam albam conceperunt, professionem loci  
 adeuntes, disciplinam secundum regulam S. P. Benedicti  
 instruentes, S. reliquias S. Blasij illuc transferentes.  
 Multo minus verum est, duos illorum fuisse Presbyteros,  
 quatuordecim Monachos Conversos, et undecim Fratres  
 Sorores, ac Conversos in Rhenaugia nullos novimus ante  
 finem saeculi XI. unde frustra gloriatur ex hoc loco Pater  
 Stanislavus, ac si ex ipse constaret, Conversorum genus  
 jam

jam saeculo IX. in Cella alba viguisse, quos certum est, ante  
 instituta Riniacensia atque ante saeculum XI. nullibi locorum  
 reperiundos. Sed ut evidenter appareat, quantam vim pra-  
 occupatio atque nimius rerum suarum amor in hominis non  
 solum animum, sed etiam in sensus externos, atque adeo oculos  
 exercere possit, exemplum hic nobis praebet S. Stanislavus  
 Wulberg, qui dixit, Librum praedictum Fratrum conscripto-  
 rum se in manibus gestasse, atque oculis accurate lustrasse:  
 et hic vidit Monachos nostros Rhenaugioneses duodecimi saeculi  
 ad annum 1120. sub Ottone abbate Rhenaugia existentes,  
 Necrologijs nostris cum die emortuali illatos, et hic in  
 pagina Sangallensi descriptos; vidit, inquam, et putavit se  
 videre suos Albanos saeculi IX. homines; vidit Columnam  
 rectam scriptam caractere saeculi decimi, et interpolatam  
 scriptam alio ae pallido atramento atque manu saeculi XII.  
 et tamen putavit se videre saeculo IX. olim viventes, eosque  
 sibi horizontaliter legit, quos ipse Columnae perpendiculariter  
 legendos esse demonstrant. Vidit in Columna recta scriptam  
 Winerat, et ad latus interpolatum Albarn, qui sub Ottone  
 abbate nostro obiit die 5. Decemb. et tamen se videre pu-  
 tavit, et ex his duobus nominibus legere ii vinerunt albanj,  
 ita ut winerat significet ii venerunt, et Albarn, al-  
bani. Qui hoc potuit, quid non potuit? Mirandum  
 jam non est, cum tot Albanos ibi vidisse. Ignoscere illi,  
 nisi Confratres suos viros eruditissimos tam furpiter decepisset.  
 Libentius ei ignosco, quod ait, hos esse, quorum sudore sta-  
 bilium Rhenaugia servitium S. Mariae. Item Wolvenum  
 indiguisset tot Conversis in structura Monasterij nondum  
 perfecta. Opportune utique occurrerunt post ducentos,  
 et quod excurret, annos.

Cellam albam ob Hunnorum incursionem aut derelictam, L.  
 aut sicut alia loca sancta saec. X. inerte devastatam  
 supra innuimus. Et ego id probabilius factum credo  
 propter auctoritatem Diplomatis Ottoniani, in quo  
 Regin-

Reginbertus primus ibi habitare cepisse asseritur, quae utiq; locum aut derelictum aut destructum supponunt. Ceterum Hungari, non vero Hunni fuerunt, qui eam vastationem etiam Thenaugiae anno 925. intulerunt.

M. Num autem unus ex monachis fuga elapsis ac revertentibus, vel ex ipsa Thenaugia, aut ex Eremito Dei paraunsidensis fuerit, edicere nequimus. Nec ego de Reginberto pro certo aliquid edicere queo. Contra Unsidenfes fat, quod eorundem fundatio via aliquo tempore procedere potuerit, nec verisimile sit, religiosum aliquom, et solum, statim sine postulatione amandatum: Pro Thenaugienfibus ipsa procedens necessitudo, et quod in folio Sangallensi inter Thenaugienfes aliquis Reginbertus adscriptus sit Calamo saeculi X. expressus, ut fidem quoque faciunt eidem conscripti circumscripti. Heremita vir sanctus vocatur, qui primus ibi habitare cepit, quae secundum sensum obvium Anachoretam indicant, qui solus Eremitum aliquamdiu incoluerit. Credibile est, Reginbertum ex instinctu divino locum ab alijs neglectum haud multo post Hungarorum vastationem habitare cepisse, atque paulatim alios congregatos, qui more anachoritarum pluribus annis sancte ibi vixerint, de quibus forte plerq; intelligenda, quae Anonymus confuso ordine et gestis conglomerauit.

N. Factum, ut à iugo Thenaugienfi, et potestate Episcopi Constantiensis liberi evaderemus, antequam Thenaugia. Credo item huc referendum, quod Anonymus ait, Anachoretas illos Episcopum Constantiense adijisse, quod praecipue pro restauranda Cella seu Monasterio contigisse pro, maxime quod Thenaugia ipsa, ad quam locus ille pertinebat, Episcopi Curiae ac potestati tunc subisset. Reginberti sanctitati, ac S. Conradi prudentia futurorum praesidio adscribendum, quod tunc Cella Alba ab Thenaugia separata fuerit, haud enim tot bona evenissent, nisi Cella illa in proprium Monasterium excrevisset. Verum hoc non eo pacto factum credo, uti P. Stanislaus, qui id Ottonem imperio, Gerere dixerim

dixerim injusto, renitentibus Ahenaugiensibus adscribere  
omni modo conatur. Si possessionem ducturnam pro titulo  
justo usurpet, saltem bonae fidei ne obliviscatur.

Ego vero omnia ordine, atque cum debita solemnitate facta  
fuisse assero, atque adeo sanctum Episcopum non usurpata pro-  
prietate Cellam a Monasterio dirulsisse, sed praehabito consilio  
et assensu Fratrum Ahenaugiensium, qui Monasterii principa-  
lis restitutioni intenti haud gravate in petitionem consen-  
serint. Si enim S. Conradus Donationem venius. Radij anno 963.  
acceptare noliat, nisi prius convocatis et rogatis monachis, ut  
habetur in Charta mihi XXVIII. Coram praesentia Domini Conradi  
Episcopi cum consensu Monachorum; quis credat alienationem totius  
Cellae admisisse contra voluntatem eorum, quorum intererat,  
cum id pugnet contra Regulam, contra justitiam, contra  
Privilegia et ipsam Confirmationem regiam tradita Cella alba.  
Profecto non tam tardos fuisse illius aevi homines mihi per-  
suadeo, neque tam subdole contigisse, aut tam secreto contingere  
potuisse novam hujus Abbatiae Constitutionem. Fugno in hac  
re contra Sancti Blasianos pro Sancti Blasianiis.

Age vero hujus rei luculentum Testimonium producamus ex  
sermone Sancti Blasiani, et ex ipso libro Constructionis, si tandem  
aliquid veri contineat. Quid enim sibi vult illud notum Coma  
pagina 8. averfa: Hujus temporis initiatum est Locus Ahenaugia,  
a quo etiam sumpserunt privilegia sua, ut docet Calculatio sive  
Descriptio Chronicarum. Loquebatur quidem prius anonymus de  
Aone III. Imperatore, sed non adeo scrupulosus est in temporis  
Computo, ut sub his formalibus hujus temporis spacium mediij  
saeculi subintelligi non possit. Creditur ergo, per me  
licet, initiatum fuisse Locum Ahenaugiae, vel quod Basilica  
ab Hungaris profanata aut destructa, fuerit ab Episcopo recon-  
ciliata, aut de novo consecrata; vel quod anno 973. proprium  
Abbatem uti pertum permittente S. Conrado obtinuerit; vel denique  
quod Dona haecenus ab Episcopis injuste usurpata anno 995.  
fuerint restituta. mihi tamen vicissim cedendum postulo,  
ab Ahenaugia Fratribus in Cella alba data fuisse Privilegia  
a quo etiam sumpserunt Privilegia sua; nemo enim ab alio aliquid  
licite sumit, nisi ei fuerit ab illo datum. Quenam sunt igitur  
ista

ista Privilegia? utiq; Immunitatis ab exactioibus laicis, Electionis proprii Abbatis, et Advocati, Libertatis &c. Ergo hoc Privilegia sumptere Fratres de Cella alba primitus et principaliter non ab Ottone aliquo, neq; ab Episcopo, sed à loco Thenaugiae; ergo haec illis data fuere, et quidem in forma authentica, et Litteris publicis, ut moris erat; quas quidem litteras saltem in Chartulario aliquo descriptas viderit Anonymus, quod sub verbis illis intellexerit Descriptionis Chronicarum.

Ne indignemini S. Blasiani Confratres Charissimi, quod dicam vos debere Thenaugiae S. Regulam et Institutum Benedictinum pretiosissimas S. Blasij reliquias, deniq; libertatem, et proprium Abbatem eligendi facultatem; qui primordia vestra non melior secundum statum modernum. Magnificate antiquam Thenaugiam; ne vos pudeat: nos magnificabimus paulò recentiore S. Blasium; ne vos paniteat, aliquando Thenaugienses fuisse.

O. Primus itaq; S. Blasij Electus Abbas Peringerus à Sancto Conrado Epò Constantiensi benedictus et confirmatus intra annum 946. et 955. Obijt anno 974. Et illi anni tanto operi immaturi videntur, et mallem differri Electionem primi Abbatis ad annum 962. quando Reginbertus aulam Caesaris adivit pro Confirmatione Privilegiorum, et distinctione Honorum à Thenaugia separatorum. Conformius enim aequitati et naturalius michi videtur, ut Privilegia et latifundia Thenaugiae à Regibus Concessa et Confirmata, non nisi de Regis licentia alienentur, aut Separantur. Libere ergò cedo adquisse aliquando Diplomata Ottonis I. de anno 963. quo satis adhuc mature ante Thenaugiam proprium Abbatem poterat nancisci Cella jam non alba sed S. Blasij. Et quare non possit eousq; differri Peringeri Electio, cum expeditum non sit adhuc, an distinguatur ab illo, qui seculo sequenti vixit. Verum et hanc et illam alteram inter duos Reginbertos distinctionem, et Continuatam à seculo X. Abbatum seriem libenter amplector, licet res sint admodum obscura: sed quis praeiens in antiquis omnia plana et expedita requirat? scio jam à seculo XI. ad miraculum excrevisse S. Blasium; Ergo saltem seculo X. firmas radices ei admittamus.

Hec

Hæc mea sententia de Originibus Cello albo, fortassis non placitura, certe melius eliminanda: sed candor saltem in amico placeat, qui sumum respectum et observantiam gero non ad modernum modum sed et ad posterioris ævi S. Blasium. Hinc libertatem mihi concedi rogo, aliam synopsis historicam Originis Monasterij S. Blasij Compendij loco subiiciendi. Liberalis ero, quantum salva veritate licebit.

Synopsis Historica  
Originis  
Monasterij S. Blasij.

Ad annum 857. Sigemarum vir Nobilis cellam albam a se fundatam in loco, in quo secundum Traditionem antiquam plures Eremitæ diutius sanctissime vixerunt, Monasterio Thenaugiensi sub Confirmatione Regis Aludovici tradidit. à quo Monasterio hunc primo Restaurationis fervore florentissimo Cella alba sacras Divi Benedicti institutiones, et circa annum 867. pretiosissimas Divi Blasij Reliquias suscepit, iisdemque Praesulibus paruit, nempe

- Arturaro anno 857.
- Wolveno usqz ad annum 878.
- Wichramo anno 885.
- Gozberto II. anno 888.
- Quoperto anno 912.

Vastata subin per Hungaros anno 925. Thenaugia, Regimbertus Presbyter, probabiliter ex Thenaugienfibus, qui prius Cellam albam incolebant, ad locum ejusdem Cello derelictum Dei nutu se contulit, et aliquamdiu solus, deinde cum socijs Eremiticam vitam excoluit. Motus sanctitate Viri sanctus Conradus Constantiensis Episcopus, cujus cura tunc Thenaugia comissa erat, cum Consensu Fratrum Monachorum Thenaugienfium, Privilegium libertatis et Regendi proprium Abbatem

Abbatem cessit, obtentus per Regibertum ab Ottone I. Confirmatione ad annum 963. Berengerum primum Abbatem benedixit, et confirmavit, antequam Rhenaugios a Cura sua dimitteret, quos primum anno 973. Abbatem consecutos fuisse constat.

Reliqua ut Suprà.

Rhenaugia idibus Februarij anno 1770.  
 B. Mauritius Stolkenbaum van der Meer,  
 Monachus Rhenaugiensis et p. t. prioris